

Universitätsbibliothek Paderborn

Antidota Apostolica contra nostri temporis hæreses

In quibus Loca illa explicantur, quæ Hæreticj hodie (maximè Caluinus & Beza) vel ad sua placita stabienda, vel ad Catholicæ Ecclesiæ dogmata infirmando ...

In Epistolam B. Pauli ad Romanos

Stapleton, Thomas

Antverpiae, 1595

17. 18. Rogo vos, fratres, vt obseruetis eos qui dissensiones & offendicula, præter doctrinam quam vos didicistis, faciunt. Huiuscemodi enim Christo Domino nostro non seruiunt, sed suo ventri; & per ...

urn:nbn:de:hbz:466:1-39447

sui munere s̄pē atque identidem alia ter-
ratum loca peragrarent. Porrò quod ait in
dubijs rebus nihil melius esse quam probabilem
conieſtura ſequi, verum ſanè illud eſt. Sed
nec hic de re dubia agitur, quum ſoli ho-
rum temporum hæretici hac de re dubitare
voluerint, remque omnium temporum
consensu firmatam in dubium retuocau-
erint; nec conieſtura, quam aſſert, ullam pe-
nitus probabilitatem habet, putida & in-
ſuſa collectio eſt. Tandem ad illa paulo
pōt̄ Apostoli verba, *Præter doct̄inam quam*
vos didicisſis, ſcribit Theodoreetus, author
Caluino fide dignior: *Laudat Principis Apo-*
ſtolorum prædicationem. Nempe quia ad Euā-
gelicam prædicationem à Petro acceptam
in illis verbis Romanos Paulus refert, eiq;
firmiter & conſtanter inhærere pluribus
verbis monet.

Verſ. 17.

17. *Rogo vos, fratres, ut obſeruetis eos qui diſ-*
fendentes & offendicula, præter doct̄inam
18. *quam vos didicisſis, faciunt. Huiuscemodi*
enim Christo Domino noſtro non ſeruiunt, ſed
ſuo ventri, & per dulce ſermones & benedi-
ctiones ſeducunt corda innocuum.

A Dhortatione tanto Apoſtolo, tamque
illustri ac longa diſputatione digna,
omnibus etiam temporibus neceſſaria, epi-
ſtolam hanc concludit Paulus. Caluinum
hic audire operæ preciūm eſt; priuūm, ut
Apoſtoli

Apostoli sententiam deducit; mox, ut homo impius, sui sibi sceleris conscientius, semet ipsum ac suos excusat. Adhortationem (inquit) ponit, qua necesse habent subinde vellicari Ecclesiae omnes: quia occasionibus perpetuo imminent ^{Hæretici & schismati ci Ec-} ministri Satanæ, ad turbandum Christi regnum. Duobus autem modis: turbationem hanc mul. intur. Nam aut dissidia somniant, quibus distrahan tur animi ab unitate veritatis; aut offensiones fusciant, quibus ab amore Euangelij alienentur. Illud sit, dum nouis & humanitus excogitatis dogmatibus dissipatur Dei veritas; hoc, d. m. varijs artibus odio sa vel contemptibilis redditur. Quicumque ergo alterutru faciunt, eos iubet obseruari, ne decipient, ac incertos deprehendat; deinde vitari, quia noxijs sunt. Nec abs re attentionem hic à fidelibus requirit, quia sæpe fit nostra socordia vel incuria, ut multum danni Ecclesie inferant præsi nebulones, antequam illis obuiam eatur: deinde mira sæpe vaficac ad nocendum obrepunt, nisi prudenter considerentur. Hæc haec tenus Calvinus, ut veram Apostoli sententiā & adhortationē explicatiū aperiat. Quæ omnia in ipsum maximè Calvinum aliosque hodie Nouatores quadrare facile ad oculum Lector cerneret, si pro Euangelio (quod inaniter prætexunt Euangelicæ doctrinæ fœdissimi corruptores) Ecclesiae Catholicæ vocem posuisset. Dissidia quippe seminarunt, quibus distrahan tur animi ab unitate Ecclesiasticæ doctrinæ: & offensiones fuscitarunt, quibus ab amore Ecclesiae

Ecce 4. Catho-

Catholicæ fideles alienentur. Quod vnum Caluinum in his suis commentarijs odiosissime sategisse; dum modò Catholicam doctrinam venenatè corrumpit, suaque impia placita obtrudit, modò Ecclesiam Catholicam & ordines in ea omnes sceleratè traducit; hæc nostra hactenus Antidota liquidū & perspicuū fecerunt. Certius adhuc & euidentius in Caluinum cæterosque Nouatores hanc Caluini explicationem quadrare lector aduertisset, si illud Apostoli verbū, *Præter doctrinā quā vos didicistis, in hac sua explicatione similiter illustrasset.*

Ecclesia.
sticx tra-
ditionis
desertio.
hæretica
doctrina
nota.

Hoc quippe vnū verbū docet, hæreticos & Nouatores hic designari, qui à recepta, antiqua, generali, & Catholicæ doctrina fideles abducunt, & à traditione Ecclesiastica pios auellunt. Non enim dicit dissensiones istas & offendicula fieri præter Scripturas, aut præter ea quæ in Scripturis legerant, sed *præter doctrinā* (inquit) *quā didicistis*, ex Apostoli ca scilicet prædicatione & traditione: quæ & ipsam quoque Scripturā docet. Hæc est autē perpetua Pauli doctrina, perpetuus adhortati modus: *Si quis euāgelizauerit vobis præter quam quod accepistis, anathema sit.* Rursum: *Quæ didicistis, & accepistis, & audistis, & vidistis in me,* *bac agite.* Adhuc iterum: *Sicut accepistis Iesum Christum, in eo ambulate, confirmati in fide, sicut 2. Thess. 2 didicistis.* Adhuc semel: *Tenete traditiones quas didicistis, sive per sermonem, sive per epistolam.* De-

nique

Gal. 1.**Philip. 4.****Coloss. 2.****2. Thess. 2**

nique ad Timotheum: *Quæ audisti à me per* ^{1. Tim. 2.}
multos testes, hæc commenda fidelibus hominibus,
qui idonei erunt & alios docere. Hæc est doctrina
Euâglica de manu in manum per Ecclesiæ
Pastores tradita, à qua recedendum non est.
Sic & D. Ioannes: Vos quod audistis ab initio, in ^{1. Ioan. 2.}
vobis permaneat. Vide Irenæum libro 3. c. 4.
Orig. in procœmio librorum de principijs, &
multa alia Patrum loca in opere nostro de
Princip. fidei, lib. 7. c 3. Hac igitur relictæ,
reiectæ, atque despœctæ Ecclesiasticæ tradi-
tionis nota, cognoscendi illi sunt, de quibus
hic Apostolus loquitur, qui dissensiones & of-
fendicula facientes, cauendi ac fugiendi sunt.

Sed nunc ut Caluinus hanc à se & suis su-
 spicionem amoliatur (sibi quippe conscius,
 dele suiq; similibus ista dici facile intellige-
 bat) attendamus. Obserua (inquit) sermonem stolo n°.
 ad eos haberi, qui in pura Dei doctrina instituti erat.
 Caluin
 euasio, ne
 hæreticus
 videatur
 ab Apo-
 tatus.
 Impium enim & sacrilegum diuortium est, qui in
 Christi veritate consentiunt, distrahere. Sed impu-
 pudens calumnia est, pacis & unitatis prætextu
 conspirationem in mendacia & impias doctrinas de-
 fendere. Non est ergo cur fucum ex hoc loco faciane
 Papista ad conflandam nobis inuidiam: quia non
 Euangelium Christi, sed diaboli mendacia, quibus
 obscuratum hactenus fuit, impugnamus ac conuelli-
 mus. Respondeo: Facile quidem Caluino, &
 cuius alij hæretico, seu nostri seu cuiuscun-
 que temporis, his verborum phaleris suam
 impietatem palliare. Atqui nullum hic fu-

Ecc 5 cum

cum fieri, sed Apostoli verba in te, Caluine,
cæterosque horum temporum hæreticos ap-
tissimè quadrare, periphrasis illa Paulina,
Præter doctrinam quam vos didicistis, luculenter
demonstrat. Vos quippe *præter doctrinam quam*
nus didicimus, quam maiores nostri his quin-
dicim seculis didicerunt, quam ex maiorum
nostrorum Ecclesiæ Christianæ luminum
ac Pastorum monumentis haurimus, quam
tota hactenus conspicua & nota Christiano-
rum hominum Ecclesia accepit, didicit, te-
nuit, dissensiones & offendicula fecisti. Ad hanc
Apostoli periphrasin & circumscriptiōnem
quid Caluinus responderet? Dissimulare peni-
tus nō potuit. Videamus ergo quid dicat, &
an aliquâ elabi queat. *Inde* (inquit) clavis de-
monstrat Paulus, *se non qualibet dissidia sine exce-
ptione damnare, sed quæ orthodoxæ fidei consensum*
dissipant. Pondus enim subest in verbo, *Quam didi-
cistis*: quia antequam iite edotti essent Romani, eos
à patrūs moribus mā orumque insti uis discēdere
oportuit. Atqui, Caluine, totum pondus quod
in illo verbo subest, minimè artigili, calli-
dè dissimulasti. Quælibet sanè dissidia Pau-
lus sine exceptione non damnat; & illa verè
damnat, quæ orthodoxæ fidei consensum
dissipant: sed hæc orthodoxam fidem (quam
quilibet sibi insanus hæreticus ex Scripturis
male intellectis venditat) circumscrībit
Apostolus verbo traditionis, & prædicatio-
nis, & doctrinæ Ecclesiastice. *Quam* (inquit)

210

vos didicistis: utique ab Ecclesia docente, cui
dictum est, Docete omnes gentes. Hec est ergo Mat. 28. 1
orthodoxa doctrina, cuius consensus dissi-
pari non debet; doctrina quam ab Ecclesia
didicimus. Suam enim semper seruat Eccle-
siam Deus. Cum illa docente omnibus diebus ibidem
usque ad consummationem seculi adest Christus:
Ecclesia Pastores dedit ad consummationem sancto Ephes. 4.
rum, & corroborationem fidelium. Ut igit-
ur quæ dissidia orthodoxæ doctrinæ con-
sensus dissipat, ideoque cauenda intelliga-
mus, illa nobis doctrina tenenda est, quam
ab Ecclesia docente didicimus; illa nobis
dissidia cauenda sunt, quæ præter doctrinam
ab Ecclesia traditam nouitates nescio quas
autribus nostris ingerunt. Huiusmodi noui-
tates, præter doctrinam ab Ecclesia acceptam,
quia plurimas introduxit Caluinus, ab illo
cauendum & fugiendum esse, veluti à sedu-
stori pestilentii, qui per dulces benedictiones se-
ducit corda simplicium; per verba mellita ac
mollia, serpentina spargit venena; per do-
ctrinam carni placenta spiritum piorum ex-
stinguit; ex hoc Apostoli loco monemur. Et
hoc saluberrimo documento diuinissimam
hanc epistolam suā diuinus Apostolus con-
silio planè diuino conclusit.

*Laus Deo, qui dedit velle, &
dedit perficere.*

